

Binuhatan 11:1-18

ISA KA SIMBAHAN... (4 KA BUTANG)

- **1ST - IKA 3 NA KA BESES ANG PAGSUGID SANG IISTORYA...**
 - o **Binuhatan 10:1-20** – Ginsugiran kita sang istorya ni Cornelius- ang Romanhon nga Centurion...
 - Ang anghel nagkadto sa iya palanan-awon-ginhambalan nga kuhaon si Pedro sa Jopa...
 - Si Pedro nga nagdayon sa balay ni Simon nga manugbulad sang panit
 - Sang mga ugto nagsaka siya sa babaw balay sa pagpangamuyo-gingutom siya...
 - Nakakita siya sang palanan-awon nga daw sa habol halin sa langit nga puno sang mga sapat...
 - Ang tingog naghambal nga mag ihaw ka kag magkaon-pero indi si Pedro kay mahigko sila...
 - Siling sang Dios indi pagtawgon nga maghigko-ang palanan-awon ginsulit ka 3 ka beses...
 - Sa sina nga tion ang tatlo ka tawo nga ginsugo ni Cornelius nag-abot sa balay...
 - Gintawag nila si Pedro-kag na realisar niya ang buot silingon sang palanan-awon kag naakig siya...
 - Gusto sang Ginoo magpangwali si Pedro sang ginakabig nila nga mahigko nga Gentil.
 - Ang Espiritu nag hambal kay Pedro nga indi magduda kag mag-upod sa mga tawo!
 - o **Binuhatan 10:21-24** –Nag-upod si Pedro sa ila- nagdala siya sang 6 ka Judio upod sa iya...
 - Sang iya pag-abot sa balay ni Cornelius, damo nga mga Gentil ang nagtipon...
 - Nag alang-alang si Pedro sulod pero si Cornelius nag istorya sa ika duwa ka beses...
 - Didto na realisar ni Pedro nga wala siya may pinasulabi -ang tanan maluwas...
 - Nagpanugid si Pedro sang simple nga mensahi- ang gahmo sang Pulong...
 - Antis niya natapos ang pagpanudlo-ang Balaan nga Espiritu nag-abot sa nagapamati..
 - Naluwas sila kag ginbautisohan sila ni Pedro!
 - o Ari sa ikatatlo nga tion ginsugiran sila liwat ni Pedro sang amo man gihapon nga istoray...
 - Kun ginasulit sulit sang Bibliya -indi naton pagpawalaan lang...
 - Indi ini aksidente nga ginasult sang Ginoo...
 - **Indi kita kaintiendi sang mga butang sa una naton mabatian...**
 - **Ginasulit sang Ginoo para makuha naton-kun kaisa damo pa gid nga beses ...**
 - **Asta nga magatuo kita kun ano ang Iya nahambal sa aton!**
 - **Gani kun ang istorya sa Bibliya, importante ina-kun ka duwa-pamatian gid...**
 - **Pero kun ang Balaan nga Espiritu nagsulit sa ika tatlo ka beses-importante gid!**
- **2ND – NAAKIG SA MGA GENTIL... vs. 1-3 READ: BINUHATAN 11:1-3**
 - o **1st** - Sang nabitian sang mga Judio ang mga Gentil naluwas-wala sila nalipay... vs. 1-2
 - Gin ataki sang mga Judio si Pedro sang pagbalik niya sa Jerusalem....
 - Biskan ang mga Anghel nagkalipay sa makasasala nga maluwas– **Lucas 15:10...**

- Indi gusto sang mga Judio ang mga Gentil maluwas-nalipat sila sang dapat himuon...
- Nga ang plano sang Dios nga sila nga mga Judio mangin kasanag...
- Indi gusto sang Ginoo nga likawan ang mga Gentil- gusto nila nga mangin ihimplo...
- **Galacia 3:8** – “Sang una pa gid nagsiling ang Kasulatan nga pakamatarungon sang Dios ang mga indi Judio tungod sang ila pagtuo sa iya”
Ang mga Judio naghimo sang tradisyon daw pader nga indi kasulod ang mga Gentil...
 - Damo nga mga Kristohanon nga nagapalayo sa mga makasasala...
 - Para sa ila ang simbahan barkada lang kaangay sa ila nga mga diosnon...
 - Pero ang simbahan indi sa mga santo-kundi hospital sang mga makasasala...
 - Indi kita dapat magkahadlok mahigkuan-kinanglan kita sang mga makasasala!
 - Indi kita mag-intra sa ila-maghalong basi kita magbalik sa kalibutan...
 - Pero dapat magpalapit kita sa ila-ipakita ang Gugma ni Jesus!
- o 2nd - Naakig ang mga Judio kay si Pedro nagkaon upod sa mga Gentil... vs. 3
 - Ang Layi nagtawag sa mga Judio nga Balaan-separar sa makasasala– **Leviticus 19:2**
 - Sang ila tion ang tanan nagakaon sa isa lang ka dako nga yahong...
 - Nagasinalo lang sila-isa man ka ilimnan tubig, gabulos bulos lang!
 - Sa amo sina nga rason ang mga Judio nagahalon kun sin-o ila naupod kaon!
 - Indi makapati ang mga Judio nga si Pedro nagsulod kag nagkaon upod sa ila...
 - Gintudlo halin sang una sa mga Judio nga kaugtan ang mga mahigko nga Gentil...
 - Nagpabilin gid in isa mga Judio kag ginatindugan gid nila ini...
 - Paagi sa palanan-awon nga ginhatag kay Pedro nga indi mahigko ang Gentil...
 - Sa Ginoo wala Judio wala Gentil- makasasala kag ang nagtuo!
 - **Galatia 3:28** – “Karon palareho na lang ang mga Judio kag ang mga indi Judio... Kita tanan palareho na lang tungod nga kita ara na kay Cristo Jesus.”
 - Isa lang ang Simbahan sang Dios– **Efeso 4:4-6**...
 - Pero ang Dios nagatugot sang damo nga mga denominasyon sa Iya simbahan...
 - Gamay nga mga kinalain-lain nga mga style pero isa ka Ginoo....
 - Ang rason amo nga para maka alagad sa lain lain nga klase sang tawo...
 - **1 Corinto 9:22** – “Nagapakigbagay ako sa tanan bisan ano ang ila kahimtangan, agod sa bisan ano nga paagi maluwas ko ang iban sa ila.”
 - Ang isa basi mas komporatable sa tradisyon sang Katoliko nga simbahan...
 - Ang isa basi nanamian sang baskog nga kanta sa Pentecostal nga simbahan...
 - Ang isa basi nagapalapit sa Ginoo sa pagtudlo sang Evangelical nga simbahan...
 - Damo nga simbahan para sa damo klase nga mga tawo!
 - Si Cristo indi natunga-gani ang mga simbahan dapat indi man mag bahin bahin!
 - Isa lang ka Jesus-isa ka krus-isa ka kaluwasan-isa ka langit...
 - Isa lang ka langit-kag damo pagbahi bahin sang mga relihiyon!
 - Upod kita tanan sa wala katapusan dapat mag-isa na kita diri sa kalibutan!
 - Indi sala nga lain ang simbahan nga imo nauyunan...
 - Indi sala nga mas nauyunan mo ang pagwali sang isa ka pastor...
 - Ang problema kun magsunod kita sa tawo sang sa pag-isa kay Jesus!
 - Kun magtulok kita sa aton kinalain sang sa pag-isa bilang pamilya sang Dios...

- Gina panindugan naton ang simbahan ukon relihiyon sang sa kay Cristo!
- Waka pag-isa sa simbahan sang Dios-naga pugong sang gahaom sang Pulong...
- Nagakatingala kita ngaa wala sang may nagadugang nga mga nagatuo kay Jesus...
- Ang simbahan sang Dios indi bantog sap ag-isa-kundi sa ila lain lain nga gawi!
- Mga Kristohanon dapat makilal-an sa ila gugma...
 - **1 Corinto 3:4** – “May ara sa inyo nga nagasiling, “Ako kay Pablo,” kag may ara man nga nagasiling, “Ako kay Apolos.” Ti kundi pareho gid kamo sa mga tawo diri sa kalibutan, *kay nagabinahin-bahin kamo.*”
 - Kun maglalis na gani kun sin-o Katoliko/Baptist/Adventist...
 - Nagapakita nga luwas gid sila ayhan ukon wala nagtubo sa Ginoo...
 - Kay ang ila nahimo amo man gihapon sang wala pa nakakilala kay Jesus!
 - Ang mga tawo sa kalibutan wala naga-isa-may grupo, may barakada sila...
 - Sa kalibutan kun sin-o lang imo pamilya/imo lang banwa/imo nasyon...
 - Naga ilinaway tungod indi sila isa ka bahin nga paborito nga hampang.
 - Pero indi dapat matabo sa simbahan-kita dapat mag-isa paagi sa gugma!
 - **Juan 13:35** - “Kon nagahigugmaanay kamo, ina mahibaluan sang tanan nga kamo akon mga sumulunod.”
 - Kun wala kita naga isa tungod sa aton denominasyon-nagapakita nga kaangay kita sa kalibutan!
 - Amo na nga ka tatlo ginsulit sang Dios ang ini nga istorya para sa aton!
 - Kaangay sang mga Judio, namian magbahin bahin-gintawag kita sang Dios sa pag guba sang sina nga pader!
- **3RD –ANG PAG PANUGID SANG PLANO SANG DIOS... vs. 4-12** **READ: BINUHATAN 11:4-12**
 - o **1st** - Ginpaathag mayo ni Pedro ang pag explekar sang ... vs. 4-11
 - Amo man nasulat sa **Binuhatan 10** –Pero wala ginsugid ni Pedro ang tanan nga istorya.
 - Wala nahambal nga nagdayon siya sa balay ni Simon nga naga baligya sa panit...
 - Indi mabaton sang mga Judio nga nag-istar siya sa balay sang nagabaligya panit
 - Pag-istar sa balay sang gabaligya panit pareho ka lain sa pagkaon upod sa Gentil!
 - Wala na hambal ni Pedro ang iya pagkagutom...
 - Basi indi sa mapatihan kun tuod ang iya Palanan-awon kay gutom siya...
 - **Kun kaisa damo kita Palanan-awon kun gutom-indi halin sa Ginoo!**
 - Wala na hambal ni Pedro ang nglan ni Cornelius uko nag iya pagka Ceturion...
 - Kay ang mga Judio indi nalipay sa mga Romanhon...
 - Wala ya ginhambal nga Gentil kag Romanhon si Cornelius!
 - Ginpaathag gid ni Pedro sa mga Judio para maintiendihan kun ano ang ginpakita sang Ginoo sa iya...
 - Ang Pulong para sa tanan-kag ang Dios indi gusto nga may pader!
 - **Ang rason ngaa ang mga tawo sa simbahan wala naga palapit sa mga makasasala...**
 - **Kag ang rason ngaa ang mga tawo wala naga isa sa denominasyon...**
 - **Kay wala sang may naga hatag tion sa pagpaathag sang plano sang Dios sa ila!**
 - **Kabalo kita si Jesus para sa tanan/wala gakabalaka ang Dios sa denominasyon...**

- **Kag amo ini ang aton oportunidad sa pagsugid sang kamatuoran sa wala nakabalo!**
- Kaangay kay Pedro dapat maghalon kita kun paano magpanugid sang mensahi...
 - Kadamo naga pakalain sa Katoliko nga tradisyon sap ag pangamuyo sa mga santo...
 - Tuod indi makabulig mag-agi sa santo kay si Jesus lang ang dalan– **1 Timoteo 2:5**
 - Pero kun atakihon ang ina nga pagtuo malab-ot lang sa lalisay...
 - **Maghalong kun sin-o ang nagapamati-mag malulo sa pagsugid sang Pulong!**
- o 2nd - Ginsigurado ni Pedro nga may 6 ka Judio nga nag-upod sa iya... vs. 12
 - Wala nag-isahanon si Pedro-may saksi nga makapamatuod sa iya istorya!
 - **Kun manugid ko nga may panghatag bugas sa plaza basi indi kamo magpati...**
 - **Pero kun may 6 ka tawo nga mag-abot nga may dala bugas-malakat tana sa plaza!**
 - **Deuteronomio 19:15** - “Kon may duha ukon tatlo ka saksi nga makapamatuod nga ang isa ka tawo nakasala.”
 - **Gusto sang Dios ang importante nga desisyon indi lang paghimuon sang isa kat**
- **4TH – GINSULIT NI PEDRO ANG IYA PAGKITA KAY CORNELIUS...VS. 13-18 READ: BINUHATAN 11:13-18**
 - o 1st - Wala ginsulit ni Pedro ang pagsugid sang Pulong kay Cornelius... vs. 13-16
 - Ang iya ginhimo ginhambal niya ang Pulong sang Dios/ang ginhambal ni Jesus!
 - **Binuhatan 1:4-5** – “Nagpangbautiso si Juan sa tubig, pero sa pila ka adlaw pagabautisohan kamo sa Espiritu Santo.”
 - Wala gingamit ni Pedro ang palanan-awon/anghel sa pagpamatuod sang natabo...
 - Nagbalik siya sa Pulong sang Dios kay ang Pulong lang amo ang insakto!
 - **Kun magsalig kita sa anghel-si satanas gapakunokuno nga anghel– 2 Corinto 11:14**
 - **Kun magsalig kita sa damgo-basi halin sa Ginoo ukon sa pancit canton...**
 - **Antis kita maghimo desisyon-siguraduhon naton nga santo ini sa Pulong!**
 - **Juan 17:17** (Siling ni Jesus sa Amay) **Ang Imo pulong amo ang kamatuoran.**
 - Paano ang **Binuhatan 1:4-5** – mapamatud-an nga ang Pulong para sa mga Gentil
 - Wala si Pedro nagkuha sang isa ka verse-gintan-aw niya ang bilog nga pagtudlo...
 - Siling ni Jesus sa mga sumulunod nga ang Espiritu maabot-para sila mangin saksi...
 - **Binuhatan 1:8** – “Pero pag-abot sang Espiritu Santo sa inyo, hatagan niya kamo sing gahom. Dayon isugid ninyo ang mga butang parte sa akon, halin diri sa Jerusalem hasta sa bug-os nga Judea kag Samaria, kag hasta sa bug-os nga kalibutan.”
 - Siguro nagsugod ang paghangop ni Pedro sa plano sang Dios sa bilog nga kalibutan...
 - Ang Pulong naglab-ot sa Jerusalem – **Binuhatan 2** / Judea - **Binuhatan 3-7** / and Samaria - **Binuhatan 8**
 - Ginatuman sang Dios sang Iya Pulong sa pagdala sang Pulong sa kalibutan!
 - **Kun tan-awon naton ang Bibliya sa sabat-tan-awon naton ang kabilugan!**
 - **Indi lang isa ka verse ukon tunga sang verse ang kuhaon kag gamiton sa aton gusto...**
 - **Pero tan-awon kun ano ang buot silingon sang verse kag ang sa palibot!**
 - o 2nd - Gintapos ni Pedro ang pagpaathag sa ebidensya sang ginhimo sang Dios... vs. 17
 - Indi magpati ang mga Judio nga ang mga Gentil maluwas...
 - Ginhatagan sang Dios ang Judio kag mga Gentil sang pareho nga Balaan nga Espiritu.

- Kun ginhatagan sang Dios sang Espiritu ang mga Gentil-si Pedro indi makalalis!
- May isa ka manugpatay sang mga gagmay nga mga bata...
 - Nadakpan siya kag ang silot kamatayon-pero ang Pastor nagbisita sa iya...
 - May mga nangakig sa Pastor kag ini nga tawo dapat mapa impierno...
 - Siling niya 'tanan kita takos magpa impierno'-sa grasya sang Dios kita naluwas!
 - Ang manugpatay nga tawo- nagbaton kay Jesus nga iya Manluluwas!
 - Kun magsugid kita matuod-indi kita nanamian-ina nga tawo indi dapat mapa langit...
 - Ang kamatuoran kita amo man, ang Dios nagluwas sang makasasala nga magtuo!
- o 3rd - Nabatian sang mga Judio ang paathag ni Pedro wala sila sang may ihambal... vs. 18
 - Wala sila na namian sang natabo-indi sila gihapon nanamian sa mga Gentil...
 - Pero paano sila makalalis sa Pulong kag sa pagpamatuod sang ginhimo sang Dios!
 - Gin-ako nila-ang Dios naghatag kabuhi nga wala katappusan sa mga Gentil!
 - Aton responsibilidad sa mga tawo nga maglab-ot sa mga nadula sa sala...
 - Ukon sa pagtinguha sa pag-isa sang mga lain lain nga mga denominasyon...
 - Magsunod kay Jesus, magtindog sa Pulong, ang Dios dayon matapos sang tanan!